

志壑堂集

十六

14



和
1080
卷
16



志壑堂詩後集卷之二

壬戌癸亥集

洞閣小集和念東先生

邑侯汪健川衙齋蕭檝支雙扉而臥業經歲
矣高念東先生聞之贈以床始獲高眠此
事可記侯之敝衣糲食大率稱是床也

寄題益都相國萬柳堂

念東先生招飲載酒堂泛舟題壁二首

送梅耦長還宣城和海木韻

高念東先生昆季過山齋看花

贈汪明府

賀李吉津先生冢君思行登第二首

代贈周遜齋給諫

題載酒堂

清明前二日題載酒堂和海木韵

送于鐵樵學憲之粵東二首

和梅耦長孝廉小飲山堂喜雨之作同吳海

木張歷友兼呈隄川明府

題耦長修竹美人圖卷四首

賀魏環極先生二絕句

送焦石甌少司馬祭告過里門北上

七日泛舟傅家灣同念東先生昆季張可績

初八日同吳海木念東先生公瑜再過傅家

灣避雨道院聽童子絲竹晚乘先生所製

新舟而渡

送袁宣四往天津

寄韓燕翼叅政

七月二十四日

藩椽二絕句

鮑素垣公子字德輿念東先生所命也為詩

以贈

九日登長白山書堂

書堂題壁

贈馮相國易齋先生致政歸里二十絕句

木石髮逋賦辱臨耶贈一詩有好事者予之

金卽可與之

呂芳生畫山水歌

癸亥元日詩

元宵前二日朱逸庵中翰座上和念東先生

韻

元宵前一日韓麗宇郡丞座上和念東先生

韻時村中演劇

送呂芳生之壽光兼寄魏中翰

題四角蒲扇時立秋後一日

由趵突泉登白雪樓

臬司張公覲歸得子

施泰瞻方伯覲歸

送高仲治廷試

念東先生招同房子明小飲東池上

和海木四絕句

海木聞杜宇思歸作十絕句見示詩以廣之

送王次公北上

寄施硯山制府 二十四首 有序

送吳海木南歸 一十二首

又

寄卑子山典籍

志壑堂朱逸庵勸余製文窻亮榻雕繪之率

答

寄孫忤庭

送房子明之任

寄四川何克東提督

卽事雜咏 六首

載積先生以大橋樹見贈結子纍纍數十顆

遣入役輦致之謂以小詩向時孟議仲積
先生皆有贈樹故句中並及之

周夫人節壽歌

寄于鐵樵學使

孝水募修板橋詩用杜少陵橋成韻

志壑堂詩後集卷之二

壬戌癸亥集

洞閣小集和念東先生

午餘天氣轉清嘉良友傾樽侍紫霞
隔歲酌來親釀酒經年開到自栽花
已知耀日金戈淨好對臨風玉樹斜
加稅正停春雪盛登臺欲泛斗牛槎

邑侯汪健川衙齋蕭械支雙扉而臥業經歲
矣高念東先生聞之贈以床始獲高眠此
事可記侯之敝衣糲食大率稱是床也

肯使雙溪心事違琴堂常着故山衣大床豪氣除
湖海同榻高情說釣磯晴蕙不妨當戶發旅鴻應
念倚門歸巖城歲歲容安枕却臥賢侯白板扉

寄題益都相國萬柳堂

鳳闕東南文杏坊吟鞭舊過薜蘿鄉開樽黃鳥鳴
厓樹倚杖青山接石梁池館蕭閒屋似舫林花亂
落絮如霜比鄰千里時相見依樣般陽載酒堂

念東先生招飲載酒堂泛舟題壁二首

盛事新傳般水陽山鄉風物類江鄉飛橈競渡三

農惟繫纜圍看一市忙繡陌樵歌來鷺浦花梢燕
尾立烏橋西鄰亦有江南意拔地修篁百尺長

善病文園已倦遊驚心又上木蘭舟招尋常憶青
蘿洞取酒今成黃鶴樓柳浪當筵開菴畫金衣對
酒送鉤輅明朝湯餅遲佳會更有甘霖報好秋

時泉孫又
方苦旱

送梅耦長還宣城和海木韵

蘭若相逢意氣傾輕帆又下石頭城難忘碧澗探
泉處不盡黃鸝沽酒情僧館畱題題驛館水程作

畫畫山程敬亭倚檻听然笑依舊重溪夾鏡明

高念東先生昆季過山齋看花

那能一箸費千緡祇辱高軒來往頻但肯尋花皆
好友從來看竹問何人細傾目下紅螺盞任倒山
中白氍巾斜日濃陰棋局靜閒庭魚鳥正相親

贈汪明府

三年初上菊花觴藝黍纔登漉酒香一自鳴琴來
下國常因看竹過山堂中丞歎息聞分俸太守殷
勤謝救荒爭惟兒童齊拍手二東郵旱止般陽

康熙

二十一年山東報
災止淄川一縣

賀李吉津先生冢君思行登第二首

關塞當年羈客竟大荒提攜望天孫於今酒熟梅

花發畫金旗通德門

先生從關東每携子
登高南望日吾家也

曉日嘯想 聖儀多賢釋褐拜丹墀何如元夜

聞鐘後掃雪吳山禮佛時

辛酉元日同思
行禮佛吳山

代贈周遜齋給諫

玳筵上已客飛觥其道鳴琴舊有聲詔下平陵譚
子國人壤無林漢王城徵歌禮外雙吹管佐酒花

前並轉鶯世事昇平煩策畫臨邊從古賴春耕

題載酒堂

頻傳露布下昆明鳳詔飛來租稅輕正好酒人添
大戶不容詩社築降城千層鳴磬聞高瀨一部歌
喉喚早鶯拾翠桃青明日事東阡西陌不勝情

清明前二日題載酒堂和海木韻

綠雲嫋嫋萬絲柔深柳堂如不繫舟再買蘭橈添
片觴仙風誰復憶瀛洲

石几迴塘位置新三年重到舊遊人山泉破凍溶

溶下取次鶯花送好春

送于鐵樵學憲之粵東

連蜨雙旂出春城駟馬公門向有聲 帝闕喧傳
新著作容臺催喚舊簪纓編民丘濬推前輩屬吏
蘇髯託後生行過廉泉了不飲臣心似水照人清
文憶從容返故山驪駒早晚度江關重臨燕子添
朱節一問滕王賦翠鬢入境曹溪呼佛接歸朝合
浦貢珠還進賢自昔膺殊賞幕府何年鎮九寰
和梅耦長孝廉小飲山堂喜雨之作同吳海

木張歷友兼呈健川明府

事平車騎祀東方又喜山鄉解亢陽雨過竹林
添冠冠人臨花樹共裳裳因成好會賓皆集爲聽
佳言解屢揚自是使君來上客清齋暫廢亦何妨

題耦長修竹美人圖卷四首

拂石坐修篁吮筆得清曠將無梅子真乃在稽康

上

瓊海文逾變枚乘賦益工莫矜曹七步槃跚鈍乃
翁

涇縣紙千坑不足了公事每當山水間沉吟有幾
思

翠袖無傷薄蕭然見吾真此意誰能會彈琴憶美
人

賀魏環極先生二絕句

東祀廻鑾鹵簿新官家取次畫麒麟昇平宴罷紅
綾宴解使天心重直臣
修篁漲綠影離離山苑芙蓉水漾池遙識文貞有
後報平章再見魏申之

送焦石虹少司馬祭告過里門北上

奉詔歸來掃墓門祭衫猶染御香痕中丞舊業簪
纓遠司李新綸節鉞尊從謁諸陵典禮熟重開列
誥主恩存此行最是雙芝秀拜舞翩翩幾世孫
七日泛舟傅家灣同念東先生昆季張可績
瑟瑟清波蘆荻秋山童拽捧勝千牛張騫不見支
機石徐福將爲蹈海舟自許閒情添畫鷁誰能無
事坐針樓那辭欵乃前溪去怕入烟雲無盡頭

初八日同吳海木念東先生公瑜再過傅家

灣避雨道院聽童子絲竹晚乘念東先生

所製新舟而渡

纒酬樽酒女牛秋聽雨誰能更出遊白浪漸高歸
計怯青山數斷倦雲浮人來珠館聞長笛鳥散星
橋趁小舟共坐斜陽回首望鄉人指點沒沙洲

送袁宣四往天津

紅蓼青蘋白帝秋津門風送孝廉舟西堂鳴角談
新事北海開樽憶昔遊水伯似催人破浪少年慣
見客封侯漫懷故墅今何在秦鏡猶懸寶硯留

袁宣

四所居經秋潦漂沒殆盡向所珍藏秦鏡與許敬宗硯獨無恙

寄韓燕翼叅政

重彈柱後惠文冠瀛海諸屯雜治難
闕下一聞搖玉佩畿南誰復探金丸
鳳城逼近煩書札梓里將迎費館餐
俱道轅門吹畫角將軍次第各登壇

七月二十四日

午前睡起小周天此道今人不與傳
遲到黑甜渾不醒憑他革獄幾多年

潘椽二絕句

長白山邊雨似海康成祠下旱如焚
陳情激切緣方伯入告殷勤賴撫軍

椽史威儀雅好賢紫薇垣敞小神仙
此人須放一頭地寧獨端明不愛錢

鮑素垣公子字德輿念東先生所命也爲詩

以贈

鮑叔佳公子命名得義方
信陵能執轡考父祇循墻
惟有諸父吉將無百谷王
勗哉期若訓玉樹本琳琅

九日登長白山書堂

酒籌詩債尚賒償斗笠翩然又一方
經歲最宜秋落木諸山惟此寺
朝陽高吟吾子稱詩伯爛醉如
公是酒狂圓澤重來人似故
三生石在夢難忘

書堂題壁

一酌流霞百祿適
疊觴似欲霸糟丘
連床詩句元兼白
對手圍棋操與劉
小出眾能傾赤社
此行雅不負清秋
却愁播種田家苦
欲聽長林喚雨鳩

贈馮相國易齋先生致政歸里

奏凱昆明露布飛
六龍遼海祀
陵歸良宵早

賜昇平晏齊國嚴光掃釣磯

臨胸有嚴子釣臺乃史所稱齊國男子上

書處

侍衛扶遊傍
帝床瀛臺宮殿御書房
仙源流送

彫胡飯傳
勅行行奉玉觴

驪歌翰墨滿皇都
歎息賢哉二大夫
供帳東門楊

少尹當時曾繪此圖無

時寶抵相國先後同致政

江湖魚鳥久忘機
幾箇龍鍾未拂衣
漫道宗臣黃

閣老健身誰許鳳池歸

四十年來樂聖杯天衢早倦屬龍媒三台交卷絲綸簿還我閒身老茂才

九重惜別勸加餐父老將迎敘故歡每憶青州從事好床頭檢點賜金看

亭臺竹樹碧如椽淵水深沉龍母眠歐冶池頭精舍在敢勞聖慮築平泉

御賜詩有平泉語

結伴金龜舊酒徒乘船騎馬醉模糊青山不用一錢買多事君王乞鑿湖

雲門山下草鋪茵駢邑城南路絕塵不識溫公聯

洛社耆英入格幾多人

絲穀醫貧病不支司農蒿日未班師躬耕亦是元臣事正使臨邊將帥知

裴休相國舊傳燈故事龍華記未曾門外先皇蘭若在何煩策蹇遍金陵

雲坊搢綠掩莓苔豈易丘園共一杯曾道南陽桑百樹綸巾幾日賦歸來

一杖林泉秋影澹千官環珮海波潮青山叱犢諸峯應錯道鳴鞭又早朝

平時輸輓厭諸藩夏稅秋糧仔細論近奉宸音
畱大疏就中會否及兵屯

珠館金庭鳳女臺向平五嶽亦勞哉蓬萊咫尺家
園近跨鹿三山日幾回

帷幄淹畱爲命將英雄退步總明農鄰鷄喔喔青
纓被白在眠聽報曉鐘

雲臺麟閣畫凌烟從古君恩未易全試問勝朝諸
將相金華學士老青田

十十箸下錢無算一項田收鶴有餘多少侏儒愁

索米一囊粟外是刑書

不敢昌言且放歌如公那得便漁蓑田間辨稅終
傷急關塞兵糧可若何

旗亭貰酒高常侍澤畔行吟唐子方何日杖藜來
岱嶽重緣看竹過山堂

木石髮逋賦辱臨聊贈一詩有好事者予之
金卽可與之

生平一賦抵千金辛苦山中枉見尋東郭踏穿無
齒屐南廳來對不絃琴誰能慷慨傾囊贈且好從

容搖膝吟話到催租頭總痛相將草檄怨陳琳

呂芳生畫山水歌

呂子為余作三畫其一踏雪騎驢來山中其一錦
幡朱節臨於越其一高牙大纛下天雄大率寸馬
豆人皆奇絕林莽烟水望無窮余持三畫歎不已
惟其筆底啓鴻蒙遠人無目偏娟秀遠山遠樹却
鬱葱乍似神駿遊入極大者為鶴小沙蟲憶昔相
逢臨沂水茅店擁爐出一紙細潤雲巒鐵線峻大
呼唐寅今可起呂子聞之為破笑似許吾言知畫

旨於今吳越畫家凡幾家田叔章侯皆已死衡山
十洲之後有幾人圓照烟容石谷三王子石谷之
徒顧蒼文蔚然後出爭壁壘與君馳驅並中原右
執纜韃左鞭弭為我更寫五嶽三島之真形處處
置余山岩裏余雖老矣已倦遊尚能布襪青鞋從
此始

癸亥元日詩

傳道元宵元旦前神祇總覲玉隆天想緣萬國朝
正耳誰定神霄亦賀年

街鼓尋常攪夜眠鷄鳴依舊日昇天星回斗轉原
如故多事臺官妄算年

彭鑑亦是小神仙置曆由來問度躔合璧聯珠成

甲子一元運世始經年

郭郎鮑老鼓闐闐花勝銀幡取次鮮彩服明粧兒

女事老人見慣不知年

鄉情守歲說團圓但道征人百慮煎我不離家如

野衲淚痕何必重今年

黑頭忙到二毛顛酬酢三千與大千請看窮鄉諸

禮廢可知今夕是何年

銀穴銅山酒似船徵歌日日地行仙官租未畢秋

成減誰識今年勝十年

元宵前二日朱逸庵中翰座上和念東先生

韻

爆竹華燈壁月前聯翩親友醉春筵紅兒罷舞真

成歲歲酒有招伎者鮑老將歌漸有年鰲背擎山休動地

初八日地妖墓隔夜莫昇天十六日採茶細話南中

事烽火連村亦可憐時有話黔中元宵扮採茶之粧者

元宵前一日韓麗宇邵承座上
和念東先生

韻時村中演劇

社事崢嶸散客懷
春來我亦逐人來
不勞羯鼓銀花發
纔到俳場笑口開
明月已升還繾綣
主人暫臥又追陪
太平簫鼓春聲咽
誤把萌山作吹臺

送呂芳生之壽光兼寄魏中翰

揚鞭東指青淄渡
牛山蒼翠紛無數
金嶺驛館小
傾卮遙瞻纍纍田
齊墓田齊無復古
臨淄肩摩揮汗總
非故一問夏王斟
灌城三宿孟軻徘徊路大

梁公子魏無忌
結客燕臺恭執轡
卽今刮目老侯
嬴田光朱亥皆能致
公子城南甲第遙
橫塘綠樹
百花橋煩君寄我
蘭亭本莫忘山人
詩滿瓢

題四角蒲扇時立秋後一日

青蒲方扇製來工
玉麈虛傳玉腕同
四角不成懷皓月
一錢聊亦買清風
難遮塵外元規面
好撲階前螢火蟲
昨日秋歸西塞上
片帆分與釣魚翁

由釣突泉登白雪樓

明湖春日最多情
蠟屐悠然逸興生
來鶴橋邊王

志寧堂詩後集 卷之二 三
屋水分金山下叔牙城人因華鵲偏成賦泉爲滄
溟倍有聲一任意陵添聚訟濟南誰敵舊詞名

臬司張公覲歸得子

投公掌握見明珠正是卷衣下 帝都賜錦分明
爲繡祿上尊次第出雲厨迎風設餅成雙宴竹馬
金錢共一圖曾向盤龍宮殿望一時選送屬神駒

施泰瞻方伯覲歸

堂堂驛路拂雲旗上苑花明柳艷時虎拜九天傳
笑語駕班三事讀陳詞難忘瀕海征輸苦預策常

半巷陌知連帥諸侯公最久中原節鉞賜何遲

送高仲治廷試

海棠閣下送君行北望燕山笑頰生投刺龍門皆
孔李許身鳳闕半簪纓 國恩最厚官方始家學
親傳道易成早晚金臺還獻策荷花時節聽車聲
念東先生招同房子明小飲東池上

雀屋蜂衙太閤生閒人無事自閒行單衣初換清
涼世紈扇重持故舊情杏子如棋方煮酒楊花飛
雪未聞鶯天厨尙憶鱒魚貢携榼誰嗔暫出城

和海木四絕句

玉版新叅拄杖來不辭當戶卓蒼苔此君那便閒
無事來管瑤編開不開
半面江湖說棄餘常憐雪片入籃虛官郵黃帕銀
絲鱸却喜山塘二寸魚
浴佛邏齊雨打頭社翁不分上山遊碧霞寶殿元
君會叫煞晴乾黃栗畱
月紅花艷壓簾香抽玉新篁編棘忙五運寒涼煩
製藥蒼頭屣水種良姜

海木聞杜宇思歸作十絕句見示詩以廣之
頻聞河北無題鳩此鳥春歸慣饒舌云是望帝之
精覓不見日夜常啼血總爲驚靈去不歸二千餘
載仇應雪鸚鵡戴勝巧如簧時時此語一何拙客
聞此語便懷歸再聞鷓鴣當回轍人言此鳥初不
名杜鵑乃是沈約僧珙之覓調反切請君平心一
聽之初云天子之聖哲再聽佶曲與鈎輶官管貫
括頻頻說東陽八咏本方言有客何緣爲愁絕君
試向豐草町疇聽鹿鳴不應年年歲歲心如鐵

送王次公北上

驟裏珠鞭指鳳城，綠陰滿路聽流鶯。風來趙北蒲
帆起，月上江南驛騎行。報國松祠題畫處，金魚池
館賣茶聲。烏衣烏府家仍舊，取次燕臺第一程。

寄施峴山制府

有序

硯山先生立朝汲黯使相曹參，蹇諤在九列，
爭名清淨於三齊。奏劾軍中緩帶羊太傅之
風流，車上綸巾漢武侯之方畧。托赤子運之
掌上，推誠心置人腹中。草檄論文，阮元瑜才

退三舍，卹灾捍患，賈長沙筆掃千人，荷九
重之特知。督兩浙之重地，鯨鯢未滅，當甌越
之咽喉。旗甲方屯，賴兵戈之調劑。朝正纔罷
聞命，遂行蒼黎載道，以遮畱處處杯擎。竹
葉僚屬傾城而出，餞家家門換桃符。某伏在
山鄉不及臥轍，見兒童額手相公，何不在中
書聽父老謳吟。司馬行當畱政府，爰採謠俗
形爲畫圖。銀戟牙旗壓錢鏐，之王氣熊輿朱
節銷勾踐之雄風。載補麗曲之章，聿代華封

之頌西湖良宴作權郎轉鼓之聲南國重賡
起座客流霞之句伊可懷也爲公誦之

春風銀戟照香衢綺席東郊酒百壺崒嶰天孫汶
泗水重重圍繞唱驪駒

片紙黃麻出禁城一時驚歎有同聲濟南三十年
來事僕射親民類父兄

兩峯三竺亦吾廬未免東山問訊踈閩嶠游蒐煩
聖慮相公那得在中書

平陽清淨蓋公堂節鉞三齊惠澤長祇道鄴侯催

八相又類敦從舍人裝

佛山晴雪照牙旗列陣鳴螺演健兒都道轅門觀
射罷挑燈讀史少人知

澄清諸路肯蹉跎特與鴻溝畫界河吹角懸旗門

似水苞苴誰敢到闔羅

公與余言其禁革陋
例如築高家堰一堤

穎昌下箸將毋甚魯相懸魚亦大難幕府盤餐兼

味少淮南親點丸還丹

公署中種菜
磨腐自給

開府畱賓漢鄭莊分茅還議舊巖廊珍珠泉上投
壺地胥史穿畦菜甲香

逍遙土箸守兵驕暢好蕭閒布算遙渤海創添新
壁壘指麾跋扈氣全消

頻歲軍興庶政寬於今敝吏鬼神寒使君八法如
山立百二諸侯頓改觀

尺水滇南波漲時神京密邇佐興師軍中草檄親
磨盾批答無勞劉穆之

毳帳行營節鉞尊曾緣散賑下山村不聞呵殿中
丞出小駟輕裘過華門

展卷流連一放歌班荆荆虱事如何井蛙陞戟聊

堪笑豪傑應推馬伏波

節度嚴公杜甫居錦城來往繫雙魚近如卑縣偏
荒歉珍重長沙流涕書

從來難問屬旗丁齷齪西陵最不平敢道駐防推
禁旅 九重新法正精明

誰道昇平尙未然公如執政費周旋養兵百萬曾
傳說不教民間費一錢

無事扶桑可掛弓豈云橐甲盡歸農藩莊衛地方
招種不與零星聚落同

廷議興屯總廢除似愁營伍散耕鋤可知衛所歸
民地不是言官杜撰書

元老憂公重積儲不辭司扈算緡車二千餘萬多
兵餉事定合盤計有餘

處仲盧循腕不支廟謨添甲似雲馳須知 列祖

旗屯法早定中原百世基

夏稅秋糧民命蘇好從開國定規模伏聞漢帝唐
宗事再世全蠲天下租

一軍失察已抽簪季布髡鉗何處尋不道郎官干

列宿也關例進幾千金 謂有司緝逖之例

方朔侏儒總苦飢閔曹一飽事還稀近來險化韓
熙載乞食歌姬挂衲衣

竹枝唱徹老廉夫彷彿香山與大蘇逐隊兒童歌
入相那容官事了西湖

送吳海木南歸

巉岩青石築陽關日說南還今果還此夜挑燈獨
對酒一行車騎過顏山

日下青梧返照明羊求三徑碧苔生烏鴉棲後譙

鐘發錯道西堂夜讀聲

征帆日夜運河飛不下淮陰舊釣磯好鑿汝陽通
泗水三千里外送君歸

爲訪閒圖志壑堂方舟聯句下般陽小山曲沼藏
書屋再見花開木葉黃

閉閣楊雲謝不如兩年讀罷兩三車何當射策金
門後同訂先儒未定書

不許驪駒問別離途中猶似客青淄到來何日偏
相憶陡過吳山訪客時

陶潛南宅空聞說王翰東鄰事有無殊授仙喬補
地法西湖飛過錦秋湖

玉簡摩娑聖廟碑更無一騎過臨淄那能來歲春
歸去共探蓬萊蜃市奇

襍被藍輿得得行已行後約更丁寧前年計日停
蘭棹可及蘇姑唱渭城

聚散浮生休便休不堪憶舊使人愁三句休夏罍
香館九度看花煙雨樓

病瘡愁臨鴈蕩池桂林石笋費吟思晚年五嶽懷

禽向重訪孤山未可知

終軍明惠文無敵庾信江關賦益工
悵望來秋桂子熟泥金一字報山東

張翰聯舟與賀循翻然歸去爲鱸
尊重來俱說公車便莫信扁舟上紫宸

江鄉容易得雙魚應憶桐齋是敝廬
多少陶朱能北度五湖鴻鴈亦傳書

無復臨岐喚奈何抵家一步隔黃河
須知墨艇團圞日大勝莊山惆悵多

異域蘋蘩仔細嘗胡桃碧樹本寧羗
南潯佳釀西溪笋不數齊州餅餌香

范公泉石梓潼祠從此山城唱竹枝
堂上龍蛇畱寶墨案頭不獨剪霞詞

金焦兩點立浮圖南北雙峯照聖湖
不定登高何處酒過江人賦采茱萸

驛館撩人青旆垂畱君宿處墨淋漓
楊鞭傾蓋亭西路一拂蛛絲倡和詩

攤書種竹地行仙自信曾無百慮煎
但見舊交勞

致問好云齒髮似前年

神遊八極誰知已換酒金龜亦快哉故事謫仙在

李白任城兩過竹溪來

侍史多材奉一杯瀕行與隸莫頻催深源交與空

書冊日記新詩總錄回

又

祇作宗文一臥遊吟懷長路莫深愁藍輿不離圖

書府水國偏宜霜樹秋醉墨鄰城掃舊壁畫橈烟

雨賦新樓姑蘇匹練尋常事直送天門越觀頭

寄畢子山典籍

芳年草檄阮元瑜白盡鬢鬢二尺鬚江上射潮銀

葉甲嶺南觀獵雪花駒論功差亞新開府掌記還

歸舊直廬昨日一樽分手後吟鞭回首已 皇都

志壑堂朱逸庵勸余製文窓亮榻雕繪之率

答

老屋鴻臚舊棟梁歸然敢道魯靈光

此王鴻臚公故宅今及余

已數易其主矣種花不掩藤蘿戶爲客嘗懸書畫床

在斯還忝竊奉祠於後更荒唐何妨綺疏連青瑣

恐負聲稱志壑堂

寄孫作庭

丹杏朱櫻白定甌
徵歌都買木蘭舟
日長似歲門三戟
坐隱如仙客
五侯檻外金衣催
進酒階前玉笋報
添籌芙蓉池館雲
璫發錯道人間
十二樓

送房子明之任

講堂丹蘄正題顏
捧檄飛催未易閒
命射還商瞿相圃
傳經已離梓潼山
巉岩蜀道青天上
咫尺金門朱鳥還
故事應看徐總憲
壁池重聽水潺湲

徐總

憲望仁起家
潘川廣文

寄四川何克東提督

錦江花發敞轅門
九塞軍容劍閣尊
跋扈降王皆面縛
迢遙禁旅尙畱屯
亂餘自識擁旄貴
事定常愁轉餉煩
每愛浣花嚴僕射
躬耕親下勸農村

卽事雜咏

想像龍蛇題壁詞
空山信有鄭公知
中郎已老阿瞞死
下馬誰能註色絲

木蘭僧院又題詞
付與時人知
不知一到碧紗籠

好句老僧依舊拂蛛絲

張芝濡墨酒痕新不搨黃庭搨洛神逐客徧逢沙

叱利

偏一公大逐青樓此輩影響遂絕憶
在越中亦無所見不謂風氣使然

誰知燕

趙亦無人

竹林舊宿鳥嘈嘈連夜曾無片羽毛自恨歸巢貪

乳子不關挾彈小兒曹

伯牛臥病使人嫌不見眠花某孝廉衆鳥歸飛容

易盡可知無計覓鸚鵡

風雨寒窓百不宐旗亭久已誦佳詞朱籠紅豆教

鸚鵡自有他年得意時

載積刺史以大橘樹見贈結子纍纍數十顆

遣八役輦致之附以小詩向時孟議仲績

兩公皆有贈樹故句中並及之

庭柯移贈最殷勤感激諸公義若雲慚愧田家無

鹵簿八駟前導洞庭君

橘實茶旗榴子風亭亭碧玉小山東一時過訪臨

嘉樹卮酒能忘賦角弓

茶榴等樹皆向
二公所賜者

支遁閒亭新畫舫靈岩蕭寺舊吳宮幾回鄧尉成

志齋堂詩後集 卷之二 三
虛話此日飽看霜樹紅
余幾度約友訪元墓看橘未果往也
籬菊飄香薜荔摧初冬搖落對銜杯好花鎖閉藏
春塢聘請圍棋橘叟來

周夫人節壽歌

寧陽先生余前輩接武未同鴛鴦會瀛州橐筆客
初來地府論文公早退四十年來鳳曆長夫人八
十一星霜渺矣懷清秦婺女巋然漢殿魯靈光憶
昔先生當易簣夫人誓死縶三尺痛哭黃泉經幾
時強爲諸孤忍茲夕王母於今地上仙珠翹翟禕

自年年門生絳帳催歌席公子班衣醉舞筵南郵
書到雪紛紛北海通家亦故人山堂吟望冬青樹
艷李天桃何處春

寄于鐵樵學使

招賢碣石啓皇扉屈指天街卿月飛亭定尉陀知
左計時平禁旅競南歸講堂雨霽枕椰樹射圃晴
曠吉貝衣輦上故人勞問訊聲名早達釣魚磯

題孝水募修板橋詩用杜少陵橋成韻

南商北旅暫來同尺水無緣片楫通水厓可憐朝

渡後歡顏欲笑晚虹中山鄉畧徇情何急佛國浮
圖讓此功祇道神仙飛拄杖遙聽雪瀨玉丁東

志壑堂詩後集卷之三

甲子

酌突泉

賦得齊魯青未了

王雪音招看牡丹同念東先生孔繡公瑜乃

服如水

翠瀨園王乃服如水兄弟招飲同念東先生

孔繡

梅耦長孝廉寄到施愚山侍講輓詩六章依

韵和之不免聲淚俱下矣

放生磯題詞 有小序

輓陳其年檢討用耦長原韵

贈李松客刺史

寄王胥庭相國先生

贈陸武園少參

題尙白先生遺像

贈周燕客郡丞

贈陸鶴田侍御

贈東滌水園主人張泗水

余所乘馬自進鱗魚歸則骨高如削矣詩以

哀之

秋絃道兄招飲奉贈同念東先生海木麗字

晦修憐恭用海木韵 癸亥

梭山園晋題贈李德植年侄

贈李希梅 以下癸亥四首

和張歷友贈海木韵

寄王九功分司

重陽前六日汪健川明府躬詣臨清納倉米

大有所省

聖駕東巡紀事八詠 有序

聖駕東巡恭頌二律奉和益都相國易齋先生

贈賦歌學使

金尉至淄 賚 以迎 駕在濟却寄

聖駕南巡回鑾恭頌十六首

志壑堂詩後集卷之三

甲子

淄川 唐夢賚

酌突泉

醉月吟花載小車濟南花月事無涯
呂翁祠下花遮月白雪樓前月印花
花樹月來仙子館月臺花墜酒人家
通身月窟花枝幹坐待花飛月未斜
山翁臨水聽潺湲酌水看山不肯還
王屋山通金線水杜康水照玉函山
山當紫閣水聲咽水湧朱橋山影閒
有水無山不與衍幽人意在水山間

徵歌賞酒愛泉清日日歌筵載酒行楊縮乍臨歌
酒減劉伶又醉酒歌成歌闌酒氣兼花氣酒半歌
聲亂水聲春陌墮歌春煮酒酒瓢歌扇聽流鶯

賦得齊魯青未了 試題

斗笠春鞋遊子衫天孫一路認山岵蒼茫不辨黃
華洞罨畫空傳御幃巖秦越之間飛匹練徂徠以
外是松杉李斯丞相碑無字何處雲封探玉函

王雪音招看牡丹同念東先生孔繡公瑜乃

服如水

箬笠单衫上巳天良朋重叠醉高筵花神綽約春
前社詞客逍遙池上篇正好旗旂標品格無勞風
雨妬娟妍竹林故事諸君在對酒悠然憶惠連
倒暈檀心千葉醜偏承折簡值晴和高吟已報詩
成矣不飲其如花笑何每到開樽春事減不妨閉
戶客來多也知歸去斜陽好座上人人欲放歌
駘蕩春風爛熳香花神驚見夜郎王別來正憶三
珠樹重到還留半面粧大好從容澆醪醕不煩惱
悵怨青皇酒闌欲借如椽筆潑墨親題再過堂

元寧堂後集 卷之三
排當七十七青春似訴疑歌大有神翠袖闌干扶
倩倩紅窻歛蝶喚真真苧蘿西子原才子姑射仙
人是美人幾里楊花歸路晚馬蹄蹀躞散香塵
五日勾芒已罷春花前再拜訴花神開殘紅藥寧
忘我謝盡丁香不問人王績有歌非左計梁鴻無
賦正東巡預愁小戶難勝酒提耳微煩温太真

翠瀨園王乃服如水兄弟招飲同念東先生

孔繡

十畝濃陰隔夕陽袂衣初試日初長鳴泉急管聲

相答竹垞繁花落更香阮籍不妨同我懶次公未
必似君狂隨身筆札間家具竿木逢人是戲場
樹已成圍感物華羊求重到一興嗟幾人憐笋還
迎客率爾聽鶯又掃花招客篋中斑管具插花醉
後帽簷斜無端絲竹歌聲發不許譙樓奏晚笳
樹影參差竹影稠太平時節此同遊從來竹里皆
佳士不信蘭亭是勝流並坐花間雙鼓瑟閒行晴
日一輕軒瑯琊兄弟招呼久綠幄清泉白定甌

梅耦長孝廉寄到施愚山侍講輓詩六章依

韵和之不免聲淚俱下矣

解識閻浮本贅餘最初多事是公車難澆白墮三
更枕不賫黃腸幾葉書望重丘壠平聲成斷望儲才
鬼籙爲誰儲招魂欲向諸天問可定開樓賦卜居
一代詞名付煨綿忍將埋玉錮三泉題碑十字推
前輩結集千秋待後賢不分應劉皆逝客誰知辰
巳是何年無人能贖秦淮海可柰如山悼徃篇

鴈塔春風早識君西曹北闕共論文青原載酒成
歡別白鷺談經憶袂分正是 登封除岱岳還誰

扈從賦臨汾 一生心事嚶鳴盛值得騎鯨上紫雲
歌成九間問天庭各士胡絲散敬亭奎宿伏章司
幾院文昌受錄列何星由來謝朓詩無敵人許死
溪地有靈悵望美人搖落甚 蘇孫與施三詞
林先後俱歿 柳車
唱徹雨淋零

屈躩一官絕愛憎同遊骨相任飛騰林泉已負陶
貞白勲業誰當班仲升自喜教臺臨曲阜寧忘節
鉞鎮廬陵徘徊欲立先生傳投筆石渠病不勝
笛聲嗚咽出高隣黍谷蕭條總罷春幸舍長歌應

有客講堂首善慮無人書函稱述王元美貽上每有札至
常稱如愚哀輓妻涼梅子真從此文壇休聚訟到
山復何憾頭平等失冤親

放生磯題詞有小序

般陽北郭孝水東迴睥睨皆青林巒如畫爰
立放生之社正當邀月之磯嗣盛事於前賢
國名魚樂聯高吟於下里義取嚶鳴云爾
濠濮同遊莊惠知分明尺碣照漣漪隣隣孕子通
荇藻都誦迦文賜命詞

斷橋來往道人閒灑灑清溪叠叠山不盡神蛟飛
碧海同來銷夏兩銀灣

寧獨澄潭網罟深拚將情緒寄雲林欲澆孝婦長
河水一洗從來市僧心

直鈎毀網屬仙家總改魚磯罷釣槎早是湖心魚
樂國河陽更勸種梅花

輓陳其年檢討用耦長原韵

瑤篇每奉喜成狂畢竟駢詞最壓塲蘿屋便曾知
姓字笛牀終未接清光聞歌易水冠皆雪爭道相

如賦似楊北海平原初不識遙聽雉露亦霑裳

贈李松客刺史

道人舊識鄭公間萬樹春桃錦不如世第重開新
刺史故鄉久號小尙書三湖奏計推循吏九列籌
邊重積儲勝日西川雙建節爲余一問浣花居

謝梅耦長孝廉寄到程穆倩所鑄圖章

別時蕭寺杜鵑飛別後山城樂事稀丹碧多情開
立本芙蓉好句謝元暉傷離竟福無歡緒開簡通
身見雪衣却喜相如能了事听然一笑趙城歸

贈徐敬菴中丞

佛山一派奏韶韻鼓角車門喜氣盈天上星橋纔
命駕時七夕後六日方置錫館人間嵩岳又調笙啖桃座客東
方朔草賦編民彌正平預識高筵當進酒鳴泉七
十誦臣清

壽高念東先生爲八月二十九日是日乃寒

露節亦一重九也

筵張大野鳩南翔百衲雲山木葉黃玉露自天開
令節金仙從昔愛重陽松間煉藥陶弘景市上懸

志寧堂後集 卷之三 六
壺費長房直到登高無美爵恰宜十日菊花觴

寄王胥庭相國先生

遺集神仙下杖藜小言真用覆醢鷄謂拙三公自集也

昔推調燮四海於今靜鼓鞀揚解常懷瞿相圃枉

車魯辱浣花谿蹉跎去國荆卿老重覽悲歌感舊

題先生以文安公先集見寄內載王辰見贈詩

贈陸武園少叅

東來紫氣桂花天湖上行旌七十泉已信三山瓜
似棗可知二華藕如船華不注亦名華山續騷常憶庚寅

歲介壽新逢甲子年早晚忠宣開幕府蓬萊舊苑
屬神仙

題尙白山先生遺像

華屋山丘日月長巋然猶見魯靈光遣詞畧識秦
淮海推產從知薛孟嘗雪後看山黃蠟屐林間倚
杖綠蘿裳於今駟馬高門事別傳昌平是帝鄉

贈周燕客郡丞

醉月諸天絳節回笙歌更奏玳筵開樽前輸輓鳴
榔發坐上鄒枚擊鉢催北渚雲如桃葉渡南山晴

亦雨花臺司農家世文章伯小謝翩翩作賦才

贈陸鶴田侍御

握手相逢一嘆呼嘆餘長笑共卽掄將無陸贄行
修藥豈有蘇髯老荷及晴去笙歌將北渚坐間烟
雨競南湖李邕曾鞏垂垂盡自古名山人客大儒

贈東流水園主人張泗水

吟鞭敲戶有誰嗔冒雨西郊一問津不識題詩曾
于固居然掃逕李于鱗鳴泉當檻呼知我高樹橫
空認故人出酒盤桓訂後約重來還許共嘉賓

余所乘馬自進鱗魚歸則骨高如削矣詩以
哀之

嶮岩瘦骨罷鱗魚視爾勲勞欲廢除背上黃封飛
遞詔笈中丹篆進呈書難成十萬腰纏鶴險化三
山紙疊驢伏櫪休辭還棧豆龍煤多少葬溝渠

秋絃道兄招飲同念東先生海木麗宇晦修

憐恭用海木韵

癸亥

東亭別後雨紛紛幾度懷君欲訪君見說危樓堪
下榻不知樽酒更論文秋堂破例耆英會野水多

情鷗鷺群兩越三齊吾道在天心特喜放晴曛

梭山園留題贈李德植年侄

欲裹行糧汗漫遊廿年杖屨復來投真宜松影臨
橋臥最喜泉聲入座流尙愛名花嬾有漏早完常
稅號無愁何妨靜掩柴門後終日看山不下樓

贈李希梅

以下癸亥四首

常愛雲亭佳樹多七年今復再來過賦非擲地皆
金石衣不驚秋尙薜蘿扣戶人聲商紫硯排牆山
色送青螺鷄冠藜杖時時老來歲探花事若何

和張歷友贈海木韵

渭城渺渺繫余懷良燕高朋亦復佳芳草王孫秋
已暮青州從事酒如淮可知君是題橋處自此人
傳問硯齋便約同行無不可安排行脚舊芒鞋

寄王九功分司

霜落吳山古木疎故人消息近何如尊前檀板黃
金縷湖上青驄油壁車薄倖分司醒酒後風流別
乘放衙初囑君一事君無忘去燕來鴻繫足書

重陽前六日汪律川明府躬詣臨清納倉米

大有所省

前年灑淚乞蠲荒此日風霜驛路長苦省多金於
下國誰曾顆粒減天倉雙旌曉日華騮紫一帶雲
山木葉黃仙署到來人進爵菊花正喜報重陽菊之
先開者各
喜報重陽

聖駕東巡恭頌二律奉和益都相國易齋先生
上林羽獵賦初豪望 幸真傳到九臯俱道臨河
歌瓠子將聞狩渭得英髦燔柴自識神靈喜瘞玉
曾無風雨號老稚一時齊拜舞龍旗細認拂雲高

又

鹵簿清秋寶扇開關河望氣識東來磨厓迥出天
門上釋菜 親從聖里迴豹尾千官分扈從鷄竿
五色下蒿萊懸知 仁主情無極已有 皇恩遍
九垓

聖駕東巡紀事八詠 有序 德州道上作

康熙甲子十月初五日 臣 原任內翰林秘書院

檢討唐夢賚隨原任大學士 臣 馮溥原任兵

部侍郎 臣 孫光祀原任刑部侍郎 臣 高珩 臣

任克溥原在翰林院侍讀臣蕭惟豫至德州

恭迎

聖駕先到劉智天妃廟詣鴻臚司投職名

皇上乘舟至德木橋口臣等隨地方諸臣跪迎河

于是晚啓奏

行宮恭候

聖安蒙

聖問大學士臣馮溥安

命內侍扶歸寓臣等皆退明日早朝

行宮大學士臣明 口傳

上諭諭鴻臚司在藉官員迎送原有定例又口傳

班次儀注遂導引行禮於

宮門又云

皇上聞大學士等來迎甚喜是日即跪送

聖駕於德州南郊

上召大學士臣馮溥至御道傍

垂問起居以次詢侍郎等臣年齒諸臣姓氏臣溥

奏天氣寒冷請

皇上早回宮

上云朕尚欲至南京欽此臣等躬逢

盛典親瞻

天顏凡見之儀仗之下或聞諸父老之言肅成歌

詠播諸臣民竊附於擊壤之餘聊效夫華封

之義云爾臣夢賚謹記

谷廵方岳有常期繡斧况當罷遣時暫輟

講筵親攬轡不問傳趨聽扶犁蓬門竇映蛟龍

扇茅屋簷遮日月旗村樹郊原晴更綠小春臨

幸與天宜

閭閻情事欲周知不為名山競祝登罷射行

宮張御樂放朝委巷出鑾儀合圍自按風雲陣

止輦常聽水旱詞漫道太平無一事却教閒煞

羽林兒

內侍勲階辨羽翎大臣班次列晨星角鷹過闕

揚珠鏃旅太隨營繫寶鈴乘坐終歸照夜白攬

拳原讓海東青時平宿衛生髀肉擒虎南山問不

庭

御路歡迎禮法寬秋毫不動鬼神寒雀翎內侍更
番問鱗墊 天親隔座看後乘牀帷知宿具 上

方尊幕見傳餐取民一笠收司敗千古重勞記注

官 聞旗廝有取民一秉稗者奉
首三木囊頭以徇於路

節鉞中丞似水清太和宇宙即韶諶 割牢東國

編鍾發除地南山殷禮成譚笑秦碑無隻字絃歌

魯殿有諸生繪圖玉帶空多事著述無煩漢長卿

長樂鍾聲憶早朝此行敢憚草鞋遙胸臚有約臨

珠館羽衛相將渡板橋上馴閑如輕玉勒中人雅

不喜金貂

天王更愛垂綸好一試吳歛超越矧

澤畔行吟傍直廬相臣玉珮曳長裾叨從魏闕三

常侍憶共鸞坡兩上書 按轡紫霄詢姓氏宜

綸黃閣問與居却容草野聯鴛序應念

先朝舊石渠 上諭如臣克博臣賚
許便服迎送

齒髮餘生趨 闕過舊臣幽夢破岩阿三雲 官

幕開閭闔百里 行城掣橐駝野服漫驚來鷺序

山呼旬

詔許漁蓑罷朝中使勞申問封事前年意若何等
朝畢二中使追至儀仗外問臣
資所參何人係何年事甚悉

贈唐載歌學使

陽回歷上小春時與作文昌介壽詞射圃見穿銀
葉甲經堂都進菊花卮歌成 北闕登封頌醉草
南山扈從儀罷酒先生聊自笑公門桃李豈為私

金尉至淄

賚

以迎

駕在濟却寄

憶上禹陵問夢期煩公携酒慰相思於今車過鬢
山麓正候東來 驛駐時

小春棠樹又開花歇馬河東嬌塔家尚有籬英堪
佐酒珠鞭且莫指京華

聖駕南巡回鑾恭頌十六首

兩宮待上萬年杯歲暮喧傳 巡狩來好製竹枝

宣樂府屬車齊唱 上之回

天孫巖嶽穆陵關十二河山有 賜顏寶墨留題

蒼壁重不徒瘞玉是封山

東嶽峻嶒列鎮宜峯巒兀兀亦雄奇勾留尚有黃
華洞古木鳴泉 駐驛時

六代繁華古帝墟
雨花臺上駐輶車
天花亂墜真如雨可及
蠲漕一紙書

等閒璧合與珠聯
大道無爲法自然
寄語儒生須

細讀乾行躔度本同天
上召儒生講無聲無臭章有盡人以合天之諭

漢家豐沛事如何
馬上詩書不用多
是處江山留

御翰陋他七字大風歌

六龍憑弔孝陵迴
結綺臨春安在哉
幾曲壞欄桃葉渡
一堆黃土鳳皇臺

雲生蝌蚪照蠹魚
木客山魃總廢除
八部龍神來

夜月常防風雨護 宸書

館娃宮殿化招提
響屧廊空香徑迷
不道姑蘇皆恨事
詞人多半說西施

歌館傾欹勝蹟訛
依然尺水駕舸舸
如今靈隱山頭路
不及金鰲玉竦多

少日微臣一再行
中泠慧井亦平平
簑衣曾唱江南好
嘉樹堂前水一聲

蘭棹呶啞第二泉
虎丘勝事至今傳
吳人風俗千人石
佛閣茶寮璧月前

宋人南渡不堪稱萬國衣冠說禹陵南鎮空濛山
色好過江一步見西典

冷泉亭古樹嶮研一路發光竹筧斜指似蓬瀛何

處是 御園澗水落浮花

皇衢八駿日駢駢風不揚塵雪不飛爭怪嚴冬天

更煖 南巡鹵簿賦當歸

天馗六轡駕飛黃徧采風謠入未央舊史逢迎那

足道欲聞 聖政被詩章

志壑堂詩後集卷之四

乙丑

乙丑元日立春

代贈歸惺崖侍讀

送趙伸符太史北上

和趙伸符

題招村仁政圖

座間和念東先生

哭焦石虹侍郎十律

哭安復且少叅十首 辛亥

哭王冰壺少宰十五絕句 壬子 有序

送劉乾菴

題高公瑜庭前老杏

代贈泰安陳刺史

樹百招飲座間和念東先生

寄吳廣菴相國

送畢子山郡丞之任贛州

寄祝作庭兼慰悼內

送韓寧子之任蓋平

雅集載酒堂

登黟山鄭康成書樓讀吳海木題壁詩

題綠雪堂

集載酒堂同念東先生松籬孝廉賦

送阮亭宮詹北上 時奉使南嶽 便道歸省

題奉和魏環極先生六魚韵九詩後 時先生來索書

有作 奉寄

送畢公權解元之晉

畫餘亭落成 有序

補祝余惕區明府兼志別懷時在中秋

送祖珍禪師掃塔

鄒平成昭其郡丞去淄百里無事過訪喜贈

是時余足小病

濟南懷麗明高尚士也門人刻其經註既成

嗣子世昌携來索序詩以送之歸

霑化道上所聞

曠日道長白山中將之霑化會葬李吉津先


生母夫人

余歸田後疏陳余事者蕪給諫環中諸編修震坤與先生凡三

人先生其指名者也

與健川明府對嘆

酒熟



志壑堂詩後集卷之四

乙丑

淄川 唐萋資

乙丑元日立春

詩脾祭罷酒盈杯
 除日新詩元日裁
 待漏祀神聞
 焯爆掃門賀歲與
 徘徊一聲布穀花
 開也有約探
 春茶熟哉遮莫六
 旬無一事荒園新
 種數株梅
 果然臘盡卽春交
 邀幸臺官演此爻
 望氣 鑾儀
 圓北闕占年彩仗
 出東郊鳴鳩次第
 調新舌梁燕
 安排認舊巢莫信
 開門迎福喜芒神
 簫鼓溢衡茅

代贈歸惺崖侍讀

憶自彤雲捧日升早知温飽傲王曾論文偏識蘇
明允獻賦從嗔吳武陵一節已成天下士數端除
有古人能蔚州百拜公無讓公主試北闈宿弊頓
清闈後魏環極先生
向公四拜海內
相傳為美事四海交遊共此禰

送趙仲符太史北上

三疊驪歌奉一卮進賢上賞更何疑官階卽伴
青宮讀掌故頗承黃閣咨造次王猷期看竹指陳
嚴羽畧論詩何時文正泉亭畔細說長天秋谷詞

和趙仲符

小駟吟鞭尋孝水還期得句打門來那能遲到新
篁日斤斧親商才不才

志壑隣山路招尋不厭多案方陳二雅堂欲署三
過燈燼庭花笑林深暮雀歌蒼頭空掃逕聊自飲
無何

題招村仁政圖為趙晉石賦

趙子寄余畫一紙云是古之神堯里昔其魯祖嶧
山公墨綬銅章來蒞此維時四野賦哀鴻間左流

三閭右死陽城無計煮榆錢陳平雖美食糠粃

陳陽 卽里 嶧山咄嗟議屯田耕予錢鑄食予鎡一時草

路競扶携遠近從之如歸市至尊詔賜尙方金老

萊舞綵歸桑梓統如五鼓輓不來顧陸圖書聊復

耳迄今按圖一觀之樹裏有聲蒲陰水伊祈山前

黃犢鳴聖女泉邊白雉起嗚呼居然太和宇宙裏

相彼庸庸俗吏何足齒

座間和念東先生

桺浪拂簷泛麴塵相逢一日罷樵薪誰知羯鼓催

花者總是芒鞋訪道人大笑保臣皆寄客偏宜野

鶴似閒身龍華盛會吾徒在莫待僧薙話宿因

哭焦石甌侍郎十律

隔年未過鄭公間入戶繩繩盡雪裾除目已成前

世事郎抄猶見故人書 公歿後見公遺疏及新補司農 驚心知舊

偏零落痛哭勲名本緒餘不佐司農歸亦得那能

七十定懸車

音問遙傳萬慮輕從來事事讓無生拋殘七尺懸

魚袋羨煞三山折脚鐺金殿可知聽漏苦玉樓寧

待引年成西園寒食林花發回首溪山盡有情

拍碎瑤琴喚柰何百年心緒轉淆訛鳳池同學垂

垂盡馬鬣相知漸漸多殿上夔龍歸碧落林間巢

許葬雲蘿女郎山下西州路馬策敲門忍再過

紫霄恭獻萬年觴幾日猶分鷓鴣行抗疏正煩天

下計時方有同署公拂衣敢道古人長誰曾九列

登黃閣不錮三泉樹白楊未必沉疴無藥石支離

却剩老馮唐公於二月八日入朝慶賀九日尚

入署十日方會議感疾歸迨十五日

早夜

遽頌

王恭濯濯好丰標幾載詞曹憶共寮按轡雲中雙

建節埋輪烏府再鳴鑣南迴告墓鄉關斷北聽辭

朝涕淚遙辱在葭莩聯末譜生憎丹旆故蕭蕭

書札類傳欲請休真如無意待金甌常垂溫語成

牽率上屢有老豈不榮歸柰臥遊曾上佛山君

獨健重譚燕市我先愁浮生有限無深惜此樂云

勝萬戶侯

節鉞中丞公望隆崇封司李晉階同一門盛擬王

摩詰四世賢於陳仲弓賸有閒亭歌水木誰來支

枕共松風魚經分典荒詞在余前此送公北上有魚經花史來分典之

詞憑弔青山淚眼中

司扈持籌百度繁老臣盡瘁復何言忠懃自得同
官喜超擢偏承 聖主恩愁見輟車來北極將無
秘器賜東園酬勲有典平生事早晚牲牢出上尊
出入靈旗左右馳雲車風馬憺何之天邊草賦見
郎偉地下修文絕妙詞釋褐尙如前日事抽簪漫
恨去年遲卜商李賀皆無恙今古文人共一厄
海外石龜星漢槎故園夢破是誰家諸溪北岸楊

皆絮一夜東風杏盡花未必清明懷麥飯將母阿
壽泛蓮華與君細說三生話青藜紅衣未有涯

哭安復旦少叅十首 辛亥

釋褐逢君早相將燕市遊鬚髯敦古處筆札遜同
儔待漏金門曉開樽荷聖秋不堪論舊事妻絕淚
雙流

我來君亦去丘壑與江湖山下懷梁月江邊憶酒
壚輕舸愁蕙苒纖指採藤蕪間濶猶如此何當嘆
永徂

布帆南下日一杖海雲寒鍵戶兒曹苦高堂菽水
安此風殊不惡相見劇為歡何與人間事貧猶健
在難

塵世初何恨慟君五十時白頭猶有詠黃髮乃無

兒年伯開七志喜阿英壯世兄文傳弱弟奇令弟

褒最健遺詞惟淺葬此意後人知明遠

星聚方傳藁鮮民正倚廬公刻有星聚清霜翔一

鴈血淚濕雙魚誰信騎箕事已當落木初儒山凝

望絕猶復念來車

山窻得意草一字俱西秦潘岳頭先白江淹夢已

湮大歸應作記小悔未修真慧業終將破儒冠須

悞身

信道浮生幻宜如海市叅似應三島外好結五蓮

庵蝴蝶身難寤邯鄲夢易酣情知深夜語不記老

生談

日觀扶桑路浮雲千里鄉廿年鷄黍約三過午橋

莊公自江右歸余問訊海上已再會自古誰為壽

與君盡此觴范張聊復爾生死一升堂

羊角哀先逝寧無戶外悲藐諸孤若此後死責爲
誰鄭重青門道裴回綠野時勿論通德里大小總
能辭

麻衣憔悴後久已毀吟囊亦祇無繁思豈綠廢樂
章胡然聞玉笛悄爾痛山陽始識琴張意當歌哭
正長

哭王冰壺少宰十五絕句 王子 有序

王子小春一日高念東先生顧余日偶作一
詩試會意當大不樂也詩云一夕霜風玉樹

驚蒼茫天道信難明余謂何其似商聲也又
云桃花嶺畔空相憶果否飛輪向赤城余駭
然問海豐得無有故乎蓋桃花嶺爲楊太宰
故墅也先生曰是矣已別去余悽惋無以自
釋旣不能往哭公于邸第又不禁悲從中來
也俯仰今昔遂成數絕山丘零落薤露易晞
且柰何哉

風急燕山百感生霜高木脫鴈哀鳴傷心莫問桑
乾水忍聽渾河嗚咽聲

案頭嘗見君平卜太息還疑理數乖服烏何來公
已悟天台端可繫青鞋

連蹇素旄鳳城東二仲棲依蔣徑空不信蕭齋圖

籍外梅花癡似隔年紅

公小齋盆梅最盛

天上夔龍饒偃仰林間麋鹿亦棲遲山公待漏年

來懶野服何妨倒接羸

抽簪舊約恨躊躇白嶽明湖負卜居也道山中煨

芋好檢囊驚看昨秋書

公報余書有卜居長白湖之間定不負風盟等語

絮語江蓴夢亦酣崢嶸歲首憶傳柑海邊馬谷山

中月老友何人得共龕

壬子元夜余館公別墅每相聚即話歸故山也

雙戟明駝負弩趨前年使節駐西湖文園歸有相

如渴封禪曾留草也無

鬼賊如風岔起時諸公政府費沉思傳聞司敗心

尤苦只有漁樵夢不知

公在司寇當刀計正熾時挽救澆風爲功最著

同事扶風公獨少芳蘭朝隕恨如何應憐吾道東

歸後雙淚偏于壓巷多

綺席銀缸照夜忙紅牙何事罷飛觴不知驛路三

千客幾處題詩哭鄭莊

兩典奎堂禮遇多桃花種徧散鳴珂一時曳杖微
吟罷惆悵誰聞梁木歌

訪戴重經榭葉村巴山刻燭論黃昏于今無棣頰
來路白馬寒烟掃墓門

一從逐客跨驢還憔悴當年玉笋班痛哭安期心
已盡不堪老淚落緱山

同館諸子落落晨星而安公復且以辛亥八月今公

以壬子十月相繼歿尤可悼也

駐拍為君唱莫哀芳年曳履上星台瑯琊豈是西
州路多少青箱次第摧

賜谷尺我樸齋子下與公皆以強仕終

黃梅再世緣何似紅藥同看願已灰長吉樓中成
獨往葛洪川畔好重來

送劉乾菴

青山叠叠水潺潺常笑浮雲讓我閒十六國書成
孝水五千言註就牢山尚平故里無多路梵志遊
踪未肯還日望杜鵑飛不到和誰烟柳唱陽關

題高公瑜庭前老杏

芳樹當庭曳絳紗斧斤以後更槎枒名園競讓花
前輩野史應修杏世家同圃蒼松驚鏤鏤晚林翠

竹欲欹斜赤城有句何人道一望丹樓似暮霞

代贈泰安陳刺史

萬乘千官下石閣奉符刺史珮鳴珞雲亭 御筆

磨厓字普照行宮封禪書珍重畫圖公玉帶輝煌

作賦馬相如青陽左个頽春令早晚賢聲散岱輿

樹百招飲座間和念東先生

笠堂清嘯萬林風尋壑崎嶇路欲窮夾谷群峯爭

向拱禹王諸水盡來同憑欄睥睨青巒外把酒雍

容畫閣中寄語南垣佳子弟 張南垣善壘山其孫尤精此技 可曾

親到洞霄宮

寄吳賡菴相國

南巡六轡入彤庭叠叠燕山鬱望青事定金甌全

獻貢風和 玉殿正譚經已瞻闕里初 題額即

看磨厓更勒銘綸綍大文公等在欣傳 御集遍

柴扇

送畢子山郡丞之任贛州

章貢高衙二水圍使君五馬去駢駢停橈欲賦滕

王閣把酒先登燕子磯望闕 即鬱孤臺 便應回畫省承

志齋堂後集 卷之四
恩未許戀斑衣嶺南說有紅雲社好奉親闈數顆
歸

寄祝忤庭兼慰悼內

嘉節蒲觴金叵羅安仁腹轉意如何天臺小別耶
行藥蒙叟長呼欲放歌青鳥自然歸碧漢黃姑依
舊下銀河鳩摩失笑原多事須信彭鏗事更多

送韓寧子之任葢平

遼海神京自結隣東都初設縣衙新親將家學傳
三禮競折官薪種幾屯按轡松林題戰壘開筵參

酒醉遷人公餘長自山頭望彷彿高門萌水津

雅集載酒堂

隔水朱橋宛轉通茅堂欄檻勢浮空泉來縹緲層
巒外客似帆檣畫舫中次第林塘春競綠等閒絲
竹醉扶紅漁樵不禁頻來往支枕無人北牖風

登豐山鄭康成書樓讀吳海木題壁詩

故人舊墨重岩阿與客登臨此再過經歲荒祠還
俎豆幾年絳帳更笙歌涼颺霽雨生丹壑返照深
林掩翠螺連轡西歸回首望兩峯三竺近如何

題綠雪堂

嘗望雲蘿萬木顛到來山鳥競鳴絃約成五簋推
盟長亭接雙槐署睡仙倦眼乍開青似竹塵心頓
淨白於蓮豈綠掃逕成輕造總不來呼亦着鞭

集載酒堂同念東先生松籬孝廉賦

嘉會香山歲有常北隣酒旆故央央雙溪宛轉二
湘近一棹潏洄九曲長碧樹欹如臨衛瓘火龍退
似罷張湯將歸漫賦公無渡唱出新詞昨夜霜

送阮亭宮詹北上

時奉使南嶽
便道歸省

皇華著述四三都握麈來同舊酒廬庾嶺梅花如
故否曹溪衣鉢尙存無何山勝蹟停橈賦幾郡長
官負弩趨聞道使君當請沐那能少別錦秋湖

題奉和魏環極先生六魚韵九詩後

時先生來索書

有作奉寄

八法生慚逸少書九詩重唱幾年歎庭前玉樹三
株秀閣上寒松御賜堂名百尺餘地僻東州魚素遠
秋高右輔鴈行踈雨中塗雅成潦倒太覺臨池野

鷺如

送畢公權解元之晉

吟鞭搖曳拂晴霞
羃歷秋衫白鼻騮
上黨御杯鳴鴈羽
太行攬轡認龍砂
到來堂後開笙樂
別日樓頭笑曆差
倘過邯鄲煩致訪
奇人或有賣漿家

畫餘亭落成

有序

蘇臺顧苻文為余作志壑堂圖先寫一亭
於桐陰下武林吳寶崖云他時可顏日畫
餘矣

臨砌匡床盡日支
山翁於此畧相宜
攤書格影頻

成夢佐酒蟬嘶不自持
芾芾拂簷花發處
蕭蕭鳴葉雨
來時未知與道相應否
老覺塵情百弗思

補祝余惕區明府兼志別懷時在中秋

四月櫻桃春尚芳
檀廬未敢競稱觴

公誕辰在四月時方聞太

翁先生 低徊啓事傳烏府

一時公望卓異內 感嘆

花封繫縞裳南浦不堪流
素旆東臯從此護青棠

公勸農編丁親履蒞屋 他時更伐傳經鼓
欲說金

民間動云此公所駐也

谿道最長
瓜果瓊樓醉月筵
石松堂上罷鳴絃
尋常俱說春

陵苦太息真聞單父賢羽籥兩庠留石碣

置贍土義莊載

之貞

現 催科三載廢蒲鞭

公不刑一人而官稅早畢

菟裘指示吾

將老題到驪駒一黠然

嘗相余邑南郭外兆將築生壙於此

送祖珍禪師掃塔

泰山七十二芙蓉蒿里山下泉淙淙石堂巖業三層屋北種蓮花南種松憶昔潭沱垂一綫笑巖老子潛京縣寸絲九鼎放光明於今剝剝見孫遍窳堵波峻起 先皇辛苦石堂一瓣香芒鞋斗笠桑乾水苔蘚掃罷淚浪浪傳言東照石堂老抽身燕

市歸來早鶴嘯猿啼不可留歸餐黃獨拾瑤草泰山東下見般陽青石關高孝水長蒼梧翠竹茅亭好來往風流志壑堂堂西開徑起荒菴彌勒頭陀共一龕三家同異聞商畧竹篔桃花且罷叅莫分李釋與周孔小儒門戶憑懔懂浮生支許事如何要離墓近梁鴻冢

鄒平成昭其郡丞去淄百里無事過訪喜贈

是時余足小病

下堂扶杖一忻然倒屣堪教迓仲宣自首論交吾

輩在清秋乘興此回傳曬書就飲康成廟畫粥留
題文正泉來往風流無不可山陰長笑到門還

濟南懷麗明高尚士也門人刻其經註既成

嗣子世昌携來索序詩以送之歸

廬墓何年血淚盈閒關跋涉此餘生一男相伴寒

山路雙笈常隨畫影行學士勒銘郭有道門徒傳

教鄭康成幾時結集聯嘉會莊誦遺經隔世情

世昌

廬墓六年賫父書走自門授梓止
一子肩兩笥載其父遺像以行

霑化道上所聞

時清涇渭尙橫流雨歇西虹現不收莫貫射潮金
葉甲英雄江上有錢鏐

臘日道長白山中將之霑化會葬李吉津先

生母夫人

余歸田後踰白余事者蘓給諫
環中諸編修震坤與先生凡三

人先生其
情各考也

白嶽寒泉此再過凌冬絮酒問清河不辭脫帽揚
眉好總失鬪爐袖手多仙兔有懷煩願望僧桃無
分儘吟哦藍輿倒座承初旭一一褰帷放翠螺

與健川明府對曠

志壑堂後集 卷之四
太白元暉守故岑雙溪流水本知音彈冠漫趣王
陽在抱膝終宜梁父吟隣姬倉皇來索火舍郎明
白不偷金兩姑一婦從來苦啼笑徒令俱不禁

酒熟

酒熟西堂意興酣短檠殘卷菜根譚雖云碧樹臨
雙檻祇得黃梅共一龕雪霽搖鞭訪鄭五時平鼓
掌笑朱三樂丘新卜逢人道小出溪橋近邑南

志壑堂詩後集卷之五目錄

丙寅

丙寅春以耳鳴習靜村墅

寄贈郭野鶴明府 四首

濟南上元竹枝詞 十四首

寄贈姚泰麓孝廉封君

送李思行之任武陟並訊王世兄共城

高仲治每海棠花盛時招客奉觴紫霞先生

喜和斯作

孝水西村初置時有鴿一樓余惡其害人稼也並羊數百頭俱去之今歲村居聖壁開

窻易其額曰借鴿得時眺覽焉

送朱逸菴

阮亭來移竹作二絕句送之行

代贈宮定山學使

補贈忤庭司馬

和張石年明府

李子常之任孟縣見過

程穎菴見過孝水西村送之歸

送汪健川明府歸宣城

贈陽丘大令鍾履安

送高梅調少尹還陽丘

和贈靜一上人 二首

送施道扈還真定

答石年明府三絕句

易齋先生惠詩見訊奉答

十一月朔聞邑侯講約

石年明府惠詩奉答 二一首

看阿石泉贈畢州倅信涉

張中丞攀轅歌 有小序

一門四榮歌 有小序

寄贈錢慎齋於陵大令

題吳旋公詞卷

溪村偶成

志壑堂詩後集卷之五

丙寅

淄川

唐夢賚

丙寅春以耳鳴習靜村墅

長繩繫日亦黃昏
彈指年華逝若奔
豈有膏肓真結痞
從知桂附定奇溫
蠹魚且置烏皮几
蝸角新開綠樹村
漫道此公猶矍鑠
回看同籍幾人存
去冬聞姜公玉璿之問已丑同館山左止余在矣

寄贈郭野鶴明府

循良啓事首吳公早晚封章入漢宮
還識鄉人楊

得意道公詞賦似楊雄

寶應幕中有人稱公文苑最佳

官驛前年插鳳城王門曳綬揖公卿誰歌五袴來

何暮杏子黃旗 御宿營

火樹銀笙奉玉卮依然彩杖簇春旗可知花縣傳
觴日正是藤廳放榜時

太平鮑老醉曹騰南苑年年搭戲棚莫遣今朝簾
鼓歇錢鏐曾放展期燈

濟南上元竹枝詞

七十名泉賣酒旗嵒湖風漾綠差池西郊得得遊

人盛趵突泉看 御製碑

千佛靈岩一路青五峯道士夜彈經楮錢香馬閒

鉦鼓拜到天孫普照亭

泰山勅建亭額

軍符盡遣罷樗蒲父老閒街儘醉扶魚鑰麗譙三

箭後閒巡小隊執金吾

張中丞南溟嚴禁一時博徒絕跡

息烽解甲太平秋十一年餘此更遊祠廟時時催

社鼓笙歌總讓壽亭侯

獠牙面具舞郎當解使終南進士忙一派笙簫何
處下纏頭高髻大蕃王

翠裙掩袖笑聲低
侂子當街簇彩旗
頭顫頭搖肩背上
姜婆姜老鬢如絲
踏歌悶待月華升
分隊斜陽暫跳繩
一陣香街驚玉勒
乍從江北舞龍燈
轉馬鰲山太熟生
紗籠面面寫崔鶯
何人幻出良工手
幾樹葡萄湖石明
盪槳漁舟去復回
松陰殿角小銜杯
明湖何處挑青好
北極高臺謁廟來
風俗香閨不出門
郭郎鮑老任囂喧
盤花冷服誰

家子酒肆垂簾打十番

又造歌筵見小伶
畫屏珠海照繁星
温公司馬春聯好
直作橫渠座右銘

謂作庭司馬

不減山陽舊酒徒
少年裙屐擁當壚
呼盧捉麈渾閒事
自憶吟春高逵夫

憶念東先生

白雪高樓接吕祠
問山亭子昨題詩
少陵子固堂堂去
賣餅難尋舊侍兒

趙令園林供佛陀
芙蓉北渚閉門多
關心剩有東流水
每得揚鞭載酒過

謂震酒水園亭

寄贈姚泰麓孝廉

爲樂安明府太翁
蜀撫岱麓公伯仲

嘉辰南嶽禮黃庭共識人間有歲星
大令緘封千日酒中丞郵致五侯鯖
卷舒鸞誥泥皆紫咫尺臚傳鬢獨青
一部笙鏞雙進爵流鶯佐飲太丁寧

送李思行之任武陟並訊王世兄共城

宮詹學士太名垂公子銅章綬委蛇
嵩少登封將作賦桃花破浪定吟詩
好從仙署鳴琴日想到鋒車臥轍時
倘過蘇門勞問訊百泉梁木有餘思

高仲治每海棠花盛時招客奉觴紫霞先生

喜和斯作

高樓歲歲宴晴花座上花枝壓帽斜
好事主人孔北海賦詩學士李西涯
黃鶯傳語空惆悵粉蝶臨風定怨嗟
喜奉萊衣無筭爵諸賓不醉漫還家

孝水西村初置時有鴿一樓余惡其害人稼
也並羊數百頭俱去之今歲村居堊壁開
窻易其額曰借鴿得時眺覽焉

網納乾坤借一枝開籠放鴿正相宜
憑將別館營巢日漫憶危簷哺子時
掃壁伊威驚割據撲簾扁

輻怪侵欺槐安小國原如此寄語飛奴莫自疑

送朱逸菴

試茗披襟水竹隈經時遙集亦佳哉一聲邪許蘭
橈發數子丁東玉局開金井闌翻新譜出青精飯
送隔溪來不辭暎雨十分醉簷外巢鶯勸舉盃集載
酒堂和念東先生
同孝酌振美可積

阮亭來移竹作二絕句送之行

捎雲和月出蓬門緘字桓臺仔細論竹譜於今煩
再注明年載酒賀龍蓀

不許開花結鳳巢石帆亭外雨聲交此君應聘殊
光寵百里安車藉白茅

代贈宮定山學使

荷香披拂燕呢喃長憶盟津掛片帆中嶽歌筵同
鹿鹿東山講席侍巖巖黃壇有奉如瓜棗青鳥來
貽帶玉函獨樹閒亭笙樂發還隨聽漏曳朝衫

補贈忤庭司馬

艾虎天中是令辰遲余進爵已經旬幾回按部敲
歌板何客當車吐錦茵嘗寫黃庭還道士徐牽青

元堂堂集卷之五
五
舫問漁人燒燈珠海前宵夢記得華堂鬧好春

和張石年明府

茅齋散帙葛帔清威里來陳賦役輕解使游閒驚
法網肯教胥吏定章程錯神不祀朝旌出巽雨無
聲夜柝鳴還與般陽添故事風流蘇白五湖情
兩穗三岐太熟生竹枝裊裊放歌行將踈龍峽穿
山水來發琴堂漱玉聲志壑蕭閒雲樹暗菜亭高
敞灌畦清祇愁焚券田文里畫出錢鏐渡城

李子常之任孟縣見過

簪笏家聲世孝廉干旌初設過茅檐勳階不替先
司寇胙土偏鄰舊權鹽撤幘青山親勸稼散衙黃
卷獨垂簾贈金增秩歸來事還共溪村問酒帘

程穎菴見過孝水西村送之歸

文酒前年醉雪峰別來詞賦更從容七絃所往如
騰鶴五畝相過爲籜龍自有黃金招碣石漫勞白
髮住臨邛憑君苦憶曹司扈
謂秋岳一曲山陽百事
慵

送汪徠川明府歸宣城

雙溪致政自由身敢道萊蕪讓我貧宦橐王恭無
長物官箴羊祜不耽人好牽柳幔停飛蓋難塞陽
關柅去輪倘傍愚山家上過吟詩爲余醉三巡

贈陽丘大令鍾履安

海岱陽丘據上游使君領袖百諸侯剖符名重黃
金市按部風高白雪樓屬吏安期將進棗隣封石
屋爲添籌女郎山外雲璈發春酒羊羔捧玉甌

送高梅調少尹還陽丘

哦詩久識蒞松衙擁傳般谿一種花鈎距有符安

赤縣髡鉗無計累朱家十年許負占三戟百里陽

關贈九華好寫疊山喜雨賦大田擊鼓賽神鴉公歸

余贈筵
故云

和贈靜一上人

同遊曾宿贊公房斗笠蕭閒草樹霜襍被經年竹
醉後三衣兩度出般陽

摩訶峯下碧山懷禪板經床護綠苔苔上分明留
屐齒趙州行脚過山來

送施道扈還真定

重煩襍被過山莊細數邯鄲大父行無復雲中還
魏尚虛勞殿上說馮唐授書豈敢承遺履作黍居
然拜下床此去故人倘問訊好云志壑醉修篁

答石年明府

總接干旄共醉歌綺筵晴日署三過詩筒不廢閒
來往元白風流誰與多

斗大山城廿載荒疏泉引笕意難忘張公爲政從
來樂明日還題五袴堂

種樹漁磯向背宜濃陰常怪起亭遲盤陀亦有千

人石欲仿湖心載酒時

易齋先生惠詩見訊奉答

溪村種樹足行歌偏喜公詩惠我多寧戚南山成
斷律孫強東閣得重過終宵鶴夢神常遠一耳蟬
鳴聽屢譏竊喜蟬身尚在披書驚又惜蹉跎

十一月朔聞邑侯講約

蕭瑟三冬農政餘糞除堂序啓清虛火懸大令通

民榜新讀中丞進

御書

張南溟撫軍十六諭解
經陳說巖總憲啓奏

覽御鼉鼓乍鳴狗木鐸

龍牌高設拜銀魚鄉人有

意枌榆社無那棲遲野老居

衣冠初製鄉三老

鄉約冠頂新易以錫

禮樂真煩魯兩生

禮相

近奉選擇

朝會不辭群吏集觀聽解使闔城傾為申北

極藍田約

十六諭原奉

久待西成好時畊將奏

九

重知燕喜太平飲射古人情

石年明府惠詩再答

時自臨淄村墅初歸

印床筆格自公餘縹緲新詞賦步虛花樹兩行寫

治譜琴心三疊按爰書嘗聞紫陌停雲鴈來問荒

村老蠹魚計日山泉鳴縣署詩瓢不廢野人居

文仲墩臺管仲禍談天無復向諸生乾谿帶雨常
流急齊園經時已盡傾愚谷一峰堪對隱晝城十
畝舊躬耕幾年不到荒寒甚何限登臨弔古情

看阿石泉贈畢州倅信涉

幽人寄興在岩阿得意林泉不在多磊磊似槎浮
碧落涓涓幾派下明河漫云博望支機石直作蘇
門安樂窩元愷一堂君信否呼名披簿試如何

衮衣東歸歌

有小序

南溟先生青瑣名臣紫薇學士賜履東社九伯

元盛堂後集 卷之五
專征領袖西曹三公避席固由廟堂之特
鑑實關幕府之真清蓋其有利必興而亦無
奸不燭白旄黃鉞雖鳴角大佛山陰緩帶輕
裘止聯句珠泉亭上所以齊桓之野父老扶
笻尼父之鄉兒童拍手聊撫輿頌代唱驪駒
從此諸侯好封殖紅棠之樹播之庶士將絃
歌白雪之樓云爾

清源輸輓連年罷肅然湖患今東下父老一聽袞
衣歸牽帷何限遮車駕余爲父老一興歌輸輓清

源事若何據云此役久稱苦累千百石輸天庾山
國崎嶇行路難動或輓轡六百五舟楫不通愁交
兌車牛遲鈍愁陰雨累歲呼天天不聞一聞折價
窮簷舞小清河塞苦河患瀰望田廬飛水鶴桓臺
齊苑屢稱戈守堤貫甲空長嘆誰驅洪濤歸東海
眼中無恙田廬改雲帆頓可下方壺兩堰愁民將
脫鎧余爲父老語漫漫父老知易不知難列國但
能停瞬望九重豈易轉眸看中丞啓事思爛熟
借問何人敢補牘便云有誤臣之咎此語艱辛宛

在目清河重濬議方起雜沓愚氓難慮始中丞決
計告成功他人拉朽摧枯耳臨軒嘉嘆公如水
四海為公屈一指出膺節鉞入爽鳩取辦如肱左
右倚青齊父老一旁皇念我東人惠正長白雪譚
經紛六術藍田讀法重三章寄言父老莫深愁自
此甘霖遍九州他時黃閣承恩日應憶佛山屬舊
遊

一門四榮歌 有小序

孔繡道兄以碩德公望膺鄉飲大賓聿光典禮

會是歲 下詔徵賢孔繡兄長君歷友舉省
元五郎川如八郎善菴次第入黌序一時邑
里交賀之孔繡辭不受乃孚王子曰是不可
以已於是徵士夫之能為詩古文詞者共歌
之將以代吹笙承筐之義卷冊及余為作一
門四榮歌歸之聊為諸君子之蒿矢焉
張公鄉飲推祭酒長君哀然應 詔舉貢首五郎
八郎績學埋名久一朝黌序歌薪榘般陽戚里爭
奔走一時有此諸榮否載酒釀金為公壽公辭曰

否吾何有王子徵文期不朽大呼沈謝招韓柳司
寇譽公不容口

念東先生

道公家世澤河厚世傳儀部

文蚪蚪嘉隆之際風雷吼恭惟相國履台斗鬻皇
大業銘鍾卣公父明經蒼髯叟出其餘技岐黃手
如公青紫可俯取早歲輕之如芻狗惟耽縹緗泥
紅友所以兒輩賢無偶大兒秦七小黃九簪纓五
世真材藪我作歌兮公擊缶我有山堂竹十畝歸
而斗酒謀諸婦如瓜之棗如船藕曹騰醉眼騎龍
毋左拍洪厓浮丘右下視環海如某某何時曲江

世業相先後歌畢如政釋山負敢道千金享傲帝

寄贈錢慎齋於陵大令

何處般陽寄祝詞潺湲一水到堦墀仙人部下千
齡兔仲子園中五色芝署尾不離花在案舉帷常
許雉來儀遙瞻文正名泉影想像琴堂樂作時

題吳旋公詞卷

爲舜玉中翰太翁

誑疏東州通德里法言西蜀草位亭何人播笏能
推士隔世纔傳藏壁經
蠶尾銀鈎寶墨垂後生無分一探竒徐陵庾信駢

詞在畫出當年問字時

傅家治譜有輝光一代文留碎錦囊漫道趨庭無

厚報階前玉樹是甘棠

奎光落落掩荒村華蓋橫天照一門片羽吉光裘

似錦都緣結集有文孫

謂木欣

溪村偶成

蓑笠郎當一老生勘心久已罷浮名初無紫府千

鍾粟賸有青山百畝耕斜日影將沉澗壑幾人壽

竹易公卿前溪楊柳藏書屋陶峴三舟早晚成

